

胡曉岑先達編

興甯竹枝雜詠

廖相文署



補編一首

曾子湖邊學士祠。飛泉銘蝕剩荒碑。人間公既無遺墨。我獨千秋訪雁池。

邑南神光山麓、有學士羅公祠、並墨池古寺、寺側飛泉一泓、甚清冽、祝枝山先生、曾石刻墨池銘、今遺失、惟曾子湖飛甘泉墨池二石刻尚存、皆紀學士故蹟也、余按通志及方輿紀勝、俱載雁池在興甯西、邑志云不可考、余謂神光本近西南、邑讀雁如硯音、日久譌硯池爲雁池、是雁池卽墨池無疑、非有他也、曾作雁池攷一篇、存集中、

燈火書聲古佛樓。雞靈峯頂月輪秋。昨宵有客談天象。倚劍橫空看斗牛。

雞靈山、邑東四十里、高聳插天、有古寺、林泉幽雅、羅公神光山讀書、遙聽雞鳴於北、

興甯竹枝雜詠終

勘誤

第一頁下面四行註正闕誤關第十頁下面八行詠正母誤毋

第三頁下面九行註正亟誤丞第十三頁下面三行詠正珞誤塔

第四頁上面一行詠正鶉誤鷓興甯司前街財合號藏書

版權所有

中華民國二十二年冬月重刊

編纂者 興寧胡 曦

校訂 胞姪 錫基

印刷所 安南 新輪印務局

辦理處 興寧財合號

壺園外集十種

戊編興甯竹枝

雜詠

民國二十二年冬月

廖相史署



同治壬申夏五月
雕古甯昌御五一
墩屋胡氏藏版



興甯竹枝雜詠

壺園外集十種戊編

興甯 胡曦 曰希

竹枝雜詠一百首

古蹟二十首

咸和城郭翦蒿萊。一片洪塘漢霸才。九十九墩尋不見。鹿兒坪上射鷹回。

廣東通志、東晉咸和六年、析龍川地、置興甯、又南漢劉鋹、遣子守之、改爲齊昌府、今邑北五里洪塘坪、乃府舊址、洪塘北十里爲鹿子坪、亦呼鹿兒坪、平野沃饒、邑志云、前時擬此建邑治、未果、有九十九墩、今不可識、

鐵嶂千尋勢插雲。寶山東去脈遙分。我來何識金銀氣。拍掌吟聲上界聞。

鐵山、邑東七十里、東迤而下、曰寶山、

郊西一片戰場留。城老圍荒弔古愁。丞相姓文嫗
姓武。須脣巾幗總千秋。

五代時、干戈擾攘、村嫗武氏、鳩村民築城捍衛、人德之、曰武婁城、故址邑西一里、又宋文信國兵敗循州、收合散卒經邑、駐西郊、望關朝拜、後曰朝天園 距武婆城半里、

長陂五里出城南。諫議碑荒積蘚含。一箇老僧蹲
塢語。古來牧地白雲菴。

菴即古牧寺、近羅諫議孟郊墳、吳大令悌立碑陂前、並存塔址、

遷客南來起暮愁。雲烟浮動過黃牛。不須更濟常
丞相。鴻爪分明各自留。

大清一統志、宋初與甯治長樂縣、與甯志之丞相嶺、即岐嶺也、又寰宇記、岐嶺循廣二州分水嶺、唐大歷末、宰相常袞除潮州、過此、土人因以爲名、余固嘗攷邑志、而知邑今所稱丞

相峯者、一誤再誤也、邑志云、邑東六十里寶山、常袞除潮州過此、後人名丞相嶺、傍一峯名黃牛嶺、宋丞相李綱過此、夫寶山非通驛之路、其曰過此、非常李二公往來所經、明矣、至李綱過邑黃牛嶺、有深入循梅療痼鄉雲烟浮動日蒼黃句、今詢寶山民、並無知有黃牛嶺者、而邑西通驛中道亭黃土嶺、尚有人呼黃牛嶺、是忠定過此名丞相嶺、無疑、卽通志所云興寧西十五里有黃土嶺高五十丈者是矣、余嘗謂昔賢一過、亦尋常事、乃日久割裂屢錯、每有以兩地爭名不已者、此又余嘖嘖置辦啞然自笑者也、

崖瀑懸秋入夜鳴。馬蹄圍住萬山青。賢人六百年

前過。好事無人作小亭。

邑東三十里夜鳴塢驛東文嶺、瀑泉最勝、宋楊萬里提刑廣東過此、有石上觀瀑詩、余近擬邀諸同志摹詩刻石、築觀瀑亭、未果、安得好事者泉上作小亭、誠齋詩中句也、

花開佛笑老僧頑。麻石巖腰曲水環。有箇詩人作
仙吏。千秋展齒寄名山。

和山麻石巖、邑東十里、天然幽勝、前明祝枝山先生、爲吾寧令、修禊於此、

繞郭青袍草色薰。顯忠亭子水云云。讀書殺賊英

與霄竹村雜詩
雄氣。下馬來尋御史墳。

明進士王公天與、官寧都、屢從新建伯征勦立功、擢御史、嗣因仕宸濠、沒于王事、陽明哭之痛、解衣贖之、爲文以祭、朝廷賜金存卹、墓前建顯忠亭、前令張候修葺、在北郭、

一片秋光老蚌湖。湖頭秋月好風俱。昨宵夢有湖神告。分我光明大寶珠。

蚌湖、在邑北岡背五十里、

花落花開古澗春。壽泉來飲一泓新。要同四百峯頭客。王面方瞳作道人。

邑東井仔脣、有石坎、水清而味甘、人飲多壽、曰壽泉、又邑陳自唐道人、乾隆末、棄家入羅浮學道、道光中、其子孫入山訪之、堅邀不歸、百三十歲委化去、

十三都遠行不極。十二嶺高無盡頭。一路梅花開不斷。牽人詩思小羅浮。

羅浮十三都、邑極北境、十二嶺毗連江西、

三月桃花深鎖潭。斜陽燕子掠輕帆。吳天卵色吳田似。一水低分上下藍。

吳田、上下藍水、皆邑北七十里、

牧原塔古暝烟遮。聞說先生早棄家。普濟歸來魂自在。江門風月老袈裟。

牧原和尚、明邑孝廉何道見先生也、少慕白沙甘泉、鄉薦後、落髮逃禪、晚棲豫章普濟山化去、歸葬邑南神光山麓、

雷字古碑三尺許。荒坑龍鬪少人行。凌雲大似羣仙篆。苔蘚垂文蝌蚪橫。

邑北七十里龍鬪坑口、有雷字碑、高三尺、鐫科斗文、

狗頭懸籙神巫舞。鼈背燒犁道士諳。苦乞龍公龍
母雨。火雲六月打龍潭。

邑北八十里龍歸洞、有龍公龍母二潭、值苦旱、請長官率僧道巫覡、竭誠築壇祈禱、雨立應、祝枝山先生有龍潭辭、載邑乘、

爲訪殘碑赤巷過。壽孃墳小草沿坡。貞心想抱千
秋潔。隔塢松花落最多。

赤巷山、邑西三里、明烈女郭壽娘墳在焉、

古驛梅花客裏思。周塘山色畫中詩。翠屏峭立銀
河倒。想見先生駐馬時。

周塘驛邑南濮洞六十里、崇正間、提學魏仲雪先生過此、有周塘道中逢梅詩、又驛壁題句、攪轡看日山未晡、郵程值得抵文通、翠屏峭立銀河倒、臘月吳天有此無、余丞諷之、翠屏句

、用詩中語也、

鷓鴣聲好旅魂消。茅嶂南行路正遙。古道郵亭來
勸客。秋風秋雨莫勞勞。

黃茅嶂、邑南四十里、莫勞勞亭、邑南黃雞塘、

風流北苑南宮並。海岳英光瀟灑侯。九百雉圍城
堞古。懷公來上稻孫樓。

韓城衛北苑大令晞駿、乾隆間宰甯、提倡風雅、酷嗜米海岳書法、尤工八分、城西稻孫樓公
墨蹟也、

竹子邏西秋色深。道南亭外夕陽沉。芳魂憑弔韋
娘墓。鬼菊花開鬼蝶尋。

韋烈婦清姑墓、在邑南竹子邏徑、墓前多野菊、俗呼鬼菊、又有小黑蝶一種、曰鬼蚨蝶

山家二十二首

農夫愛春春喜迎。鞭春來看省農亭。農夫不解納
音意。只愁土牛頭角青。

俗以迎春鞭牛曰鞭春、又以土牛頭角青、主春無水、

入春祈穀又祈年。傴僂神祠古道邊。削得竹竿還
剪紙。同儕來去掛田錢。

俗以楮挂竹插田、曰挂田錢、

陂塘閣閣水鳴蛙。嶺脚盤開赤蘂花。驗取清明天
氣暖。分秧忙到野農家。

赤蘂、疑野棠之屬、俗于清明驗寒燠蒔田、諺曰、赤蘂開、分秧來、蛙落塘、種田忙、

耨鋤襪襖出柴門。穀雨蒔田村復村。垂髫小妹送
茶盃。折腰大婦撐秧盆。

插禾時、積水田畝、秧貯盆、乘水推而東西之、曰撐秧盆、

大兒秧馬田間驅。小兒竹馬田間嬉。青疇方對豆
簽列。農丈人來開笑眉。

俗以出塍莖雜蔬、長竹架起爲斗、曰豆簽、

三間茅店賣村酒。中分一半有書聲。桑麻訂譜課
兒樂。曰村夫子鄉先生。

村學訂桑麻譜曰雜事、

十里楊窩芒種天。隴頭蓂雨復蓂烟。農忙鳥樂忘

機甚。犢自扶犁，誰在田。

楊窩、邑南十五里、

黃魚白酒雜花豬。做社歸來叟醉扶。腰裏麥團雙不托。迎門兒女索歡呼。

俗祀社曰做社、不托、以麥粉團之、俗卽曰麥團、

採茶三月阿儂忙。鹿子山前路許長。歸晚好風吹不斷。歌聲一片水蘿塘。

鹿子山、界邑北境、產佳苻、雖水蘿塘三十里、村民多往採焉、

平疇來打豆花蟲。口唱秧歌度晚風。拍掌小兒都大笑。水田驚散白頭翁。

邑鳥、白頭翁最多、呼白頭公、亦如信天翁之呼信天公也、

苦愁春夏丙寅陽。龍骨翻車激水忙。未祝金風稻
孫熟。火雲先莫曬禾娘。

廣東新語、春丙寅陽、無水撒秧、夏丙寅陽、旱死禾娘、邑農諺也、

菰田十畝是儂租。撈得魚蝦苦不辭。怎似渠家壩
尾好。半江秋水打鷓鷯。

壩尾、邑北三里、蓄鷓鷯捕魚者、俗曰打鷓鷯、

水車軋軋江水隈。響逐縑車出竹扉。儂解人家事
蠶織。桑陰一路馬頭圍。

馬頭圍、邑北三十里、村沿西河上游、

賣桃賣李賣朱梨。椎髻村姑結隊齊。風雨趁墟三
六九。隔宵先探價高低。

桃李諸果、多出北廂大龍田墟、三六九日爲果市、

草笠芒屨一酒壺。晚墟儂索打魚租。鄰村老叟忽
逢語。問道分龍雨有無。

俗以夏至後逢辰日、謂之分龍日、是日觀雨起何方、從某方來、則分某方之龍、自後雨必起於某方、若他方起、則雨不至、

百日長腰都種過。西風禾黍復油油。老農私語卜
兩熟。今歲不逢雷打秋。

百日、長腰、俱邑早稻名、諺曰雷打秋、得半收、立秋日忌雷也、

入秋灑灑趁秋風。菜甲抽黃稻刈紅。別有兒童忙

不了。豆棚閒捉紡綿蟲。

紡綿蟲、絳綠色、小兒繫以線、若轉機然、

鬪嬾鶴鶉秋更來。八哥籠閉蟋籠開。蘇茅坪外行人少。又向西風放雉媒。

蘇茅坪、邑北八里、

匏愛長腰無赤蠟。豆剛合掌少青蟲。還祈甲子莫秋雨。兩耳生禾愁煞儂。

占雨諺、曰秋甲子雨、禾生兩耳、

溪頭雨過放魚叉。白小魚多唼水花。石罅恐隨新水去。兩三稚子捏團沙。

白小魚、俗呼伏石角、一種稍大者、曰白日浪、

渠儂不做萬戶侯。渠儂鄉里倒騎牛。渠儂住得轉
城屋。走馬圍龍四角樓。

邑鄉居築屋、有轉城圍龍走馬四角樓之目、

宮蓮東嶽竹蓮菴。香火因緣結兩龕。不解村姑多
少事。拜餘佛祖拜伽藍。

東嶽宮、竹蓮盦、皆邑北一里、

閨情二十七首

屠蘇飲得兩眉開。迎歲春風入戶來。喜步華堂天
氣暖。水仙花放總重臺。

俗以元辰水仙重臺、爲一歲吉兆、

拋開珠柱玉棋奩。打馬嬉春笑語酣。來向郎君誇
及第。儂家奪得狀元籤。

新歲閨中多搖骰子狀元籤爲戲、

暖燈三五月清華。拇戰瓊筵髻墮鴉。歡喜炭然開
口笑。滿堂紅綻水梨花。

上元夕、婦女設筵團坐賞燈、曰暖燈、蓋取添丁之兆、歡喜炭俗呼花筒、以水梨花一種爲巧製

兒家門巷犬聲騰。斗轉星河淡玉繩。自笑蓬門猶
富貴。春宵也上牡丹燈。

俗多懸牡丹花燈、以取吉祥、

偷青十五怕人窺。阿媽當前婢後隨。最苦鳳頭鞋
子窄。四更踏月話歸遲。

元夜婦女出摘花、曰偷青、亦取生子兆也、

百花生日祝春風。最喜花開洗手紅。低語聯吟諸
姊妹。怕人偷聽荔牆東。

鳳仙俗呼指甲、亦曰洗手紅、

紅裙隊隊結同心。齋飯鳩筵紫竹林。五十三叅誠
頂禮。木魚聲裏拜觀音。

俗以三六九月十九日、多入齋宮禮佛、吃齋飯、

錢輪百子笑儂癡。一瓣心香暗祝詞。喜看紅籤黏

粉壁。天妃香餅賜麟兒。

三月天妃宮、婦女結百子社、圖拈麟兒餅、得者有喜、

三月三迎阿母鑾。一羣紅裏倚闌干。小姑驀見郎君過。羞煞朱顏背轉看。

天妃俗呼阿母、三月廿三日出游、曰迎鑾、傾城士女縱觀、

不管黃鶯坐柳啣。困人春睡笑奴癡。小鬟喚起珠簾捲。催看金籠打畫眉。

俗喜蓄畫眉、有畫眉譜、名色最夥、

洞庭東行出常鄂。儂家作客武陵遙。春風喜接平安報。花放中庭夾竹桃。

邑人多客楚南北爲商、

姊描菊譜交飛蝶。妹繡弓鞋一剪梅。兜肚郎貪花
並蒂。聚頭妾愛扇雙開。

邑土產摺扇最饒、所製雙開尤巧、

郎君應試梅城去。郎船一槳到梅江。願郎行過鯉
魚石。鯉魚莫誤信雙雙。

雙鯉魚石、在邑南水口、出二十里卽梅江、

蝴蝶花開香閣東。摘盈雙袖返閨中。笑儂剪出鬚
兼翅。翻替春風補化工。

蝴蝶花開尙團窠、背瓣有紋、剪破則雙翅翹然、酷肖飛蝶、好事者更以翹紋剪鬚出、尤生動
可玩、

蘇州織錦玉交梭。花樣翻新厭舊多。幾度欲描描
不出。癡心來看剪春羅。

玉交梭、剪春羅、俱是蘇州花譜、

米塞橋頭春草長。個儂結伴去燒香。舉頭合掌低
頭祝。九子須同阿媽娘。

米塞橋、邑北五里、有九子母神廟、婦女求子者往禱焉、

出門不愁花見羞。鸚哥擎傘愛烏油。韓公帕子蘇
公笠。怎說潮州更惠州。

俗婦女出門、擎烏油繖傘、形如鸚鵡垂翼、曰鸚哥傘、余嘗潮見潮陽婦女出路、必冒首一帕、長數尺、兩手左右持之、云昌黎在潮遺製、曰韓公帕、又在惠陽、見婦女多戴涼帽、劈竹絲織圓笠、四垂葛布爲簷、則謂坡老始造、曰蘇公笠云、邑村婦亦戴涼帽、但無蘇公之名、

新婦如花入洞房。弄人姊妹太癡狂。朝來整整團

圓席。對面羞教看煞郎。

俗新婚次日、於洞房設筵、新婦與郎君對飲、曰吃團圓、

轉眼園林四月來。侍兒忙報向粧臺。龍船花應龍

船鼓。初一先催一朵開。

龍船花色殷紅、一莖數十蕊、形似躑躅、葉稍類夫容、開必四月、擊龍船鼓後、燦爛如火、故名、亦一異也、又俗四月朔、近城即打龍船鼓、以鉦為節、鼓三發、間以鉦三、又鼓四而鉦三應之、其意曰、救屈子、汨羅江、同救屈子、汨羅江、云云、

端陽嬌女看神忙。阿母薰衣替理妝。菱角巧盤三

朶髻。虎頭新製七香囊。

邑端午無競渡、惟鏡敲迎神、以楮摺繪小龍舟放江中、亦循其名曰觀競渡、兒童總角為三、曰菱角、又曰三朶髻、是日樞香囊、有虎頭雞魚諸製、

郎出門行昨起身。今朝儂去拜花神。儂郎心事儂私祝。花母花公莫笑人。

花神、俗呼花公花母、

乞巧中庭笑語娛。雙雙渡過雘橋無。今宵定有嫦娥怨。且拜星姑拜月姑。

俗呼織女爲七姑星、七夕乞巧日拜星姑、並云拜月姑、

人靜中秋待月華。銀缸如豆鏤金芽。矮簷喜憶儂夫婿。射策今宵筆吐花。

中秋閨中多不寐、云待月華、見者有喜、

喜醉生兒滿月觴。瑜環繡葆出華堂。不將蓬矢桑

輿管竹枝詞
弧射。呼鶴呼鷹笑呵娘。

俗生子彌月命名、設筵飲客、曰滿月觴、襁負行室中、呼曰鶴、連鴉鷹、不解取義、

卿家賣扇去楚北。妾家販絲經蜀西。妾怨西風卿怨北。一般今歲到家遲。

邑扇客多往湘楚、絲賈多入川蜀、

丹黃筠扇置粧臺。粉碓脂奩暫掃開。寒夜手僵呵凍寫。亂塗千點過牆梅。

邑摺扇多畫過牆梅、婦女多能之者、

漏聲守歲漫相催。穩步弓鞋曲巷來。約得小姑聽夜卦。翻教忘却打灰堆。

除夕鏡聽、俗曰聽夜卦、又打灰堆曰造雞竿、

景物二十九首

火樹珠棚敞幾層。小兒連臂踏歌登。月斜遊倦歸來說。四十圍強酒甕鐙。

元夕邑城隍廟、定製一燈、徑兩丈、圍六丈曰酒甕鐙、

夜月誰家游冶郎。金鞍珠勒少年場。行過走馬燈前笑。爾我無端一樣忙。

走馬燈、邑所製、極巧、

遊遍城西十一街。西河水月淨于揩。管絃燈火過橋去。瀛海天奶廟景佳。

城西十一街、燈景最勝、西河潮商天妃廟、亦綺麗足觀、

龍岡踏月笑聲譁。烟火春宵賽九華。四萬八千金
寶塔。玲瓏齊吐火蓮花。

邑烟火以玲瓏寶塔爲最巧、龍岡邑東十五里、祀石古神最靈、上元十六夜、烟火以數千計、

丹經聲裏玉簫涼。霞帔星冠夜啓場。笑煞步虛狂
道士。九天九地趲天王。

三月十四日、天妃宮道士設場步虛、曰趲天王、九天九地、道錄中語也、

瞥驚月暗黑雲層。紅破天心一點凝。惹得兒童齊
拍手。風高夜放孔明燈。

孔明燈製高數尺、裁薄筠糊紙、上銳下圓、中以蠶絲繫紙條、浸油然火、燄熾、乘風騰空上
數十丈、經火熄乃墮、頗且匠心、

最好春風十里隄。拋甌東去打球西。更看盤坐榕
陰樂。鬪草兒童話鬪雞。

邑有草一種、莖韌而葉少、上開數叉、左右若齟齬狀、曰鬪雞草、

昨宵東風今朝南。半江桃花烟水含。釣得胎魚都
棄却。儂收竿子放生潭。

放生潭西河一里、

十笏芳園紫竹菴。拈花終日對瞿曇。老僧指爪都
慚拙。難種西來佛手柑。

邑地不宜佛手、初栽結實頗似、二三年後、卽幡然而長、無指形矣、紫竹菴邑西二里、旁有
會芳園

設醮塲開不二門。皈依歡喜給孤園。拜完廿四諸

天佛。菩薩低眉總不言。

俗好設醮、有拜二十四諸天菩薩名色、

寶塔珠旛結隊迎。道場解醮六街行。蓮花座擁如
來佛。演武亭邊去放生。

齋醮畢、迎佛出遊、曰解醮、演武亭在城西校場、臨大河、

競渡兒童笑語聞。艾旗蒲劍學將軍。盤堆角黍尊
傾酒。嬾嚼雄黃嚼綠雲。

端午、家家以雄黃蘸酒、令小兒飲之、云走百病、

錦鱗五色喜盈居。笑託萍蒲嬾自如。水暖掀翻葵
扇尾。堅牢鐵嘴鬪雙魚。

鬪魚、俗呼萍蒲嫩、謂蓄之乃肯鬪也、俗以鐵嘴葵扇尾者善鬪、

鎮江樓畔荔支饒。簾捲篷窗喚過橋。紅袖青錢三百箇。低聲教語綠荷包。

鎮江樓在西河、邑荔支一種、皮嫩碧而核小者曰綠荷包、爲諸果之最、

六篷船好四絃哀。花柳河西歲月催。老去秋娘風貌減。琵琶愁唱到春來。

西河多青樓沿岸皆六篷花艇、到春來、琵琶曲譜也、兵燹後風景大非昔此、

一程來往百花洲。柳月蘋風畫舫遊。蝴蝶推篷蝴蝶會。簫聲吹落倚雲樓。

程江百花洲花舫、時來西河蝴蝶篷、前推篷也、俗以壺碟小飲曰蝴蝶會、倚雲、西河酒樓名、

兒童圈柳拜途旁。鉦鼓掀天禱雨忙。乞灑楊枝佛菩薩。火雲拂繖仗金剛。

俗亢旱祈雨、鄉里兒童數千、烈日中扛佛擊鉦鼓圈楊柳帽、跣足走數十里、五步一拜、呼聲殷天、至城內寶成寺拜禱焉、

曝書亭子未消炎。腹曬便便數典兼。不解人家撒鴛瓦。紅糟白飯水晶鹽。

七夕俗以鹽及糟飯拋撒瓦上、

秋夜瓊樓高不極。霓裳天半彩雲垂。星心月口神仙笑。怪說人間剝鬼皮。

中秋俗喜剝芋曰剝鬼皮

絕頂神光置酒杯。菊花風信紙鳶催。妾從蝴蝶山

頭望。○郎把雙蝴蝶放來。○

神光山、邑南十里、九日賽會、祀石古神者幾萬人、蝴蝶山亦在邑南、

風箏風語自鳴絃。○洋蝶遊空爆欲然。○黑鷓蒼鷹十八雁。○儂愁不下碧雲天。○

重陽前後、俗喜放紙鳶、雙蝴蝶、十八雁、黑鷓、蒼鷹、俱製之巧者、並善製箏絃、截竹屈弓形、鈴束簿筠或絹上之、乘風自響、俗曰風琴、又曰自鳴絃、淮南所謂風過簫也、放後更製洋蝶一種、爲兩翼、善開闔、下用辯爆香煤繫之、兩翼即翹然舉、緣綫而上、俟爆然畢、兩翅合即墮下、余謂此製與孔明燈二種、特見巧思云、

鳴榔牽網破工夫。○編竹甘塘夜趕魚。○妾愛黃金雙鯉好。○囑郎莫放北頭虛。○

甘塘、邑西十里、廣百畝、擅魚利、黃金鯉、鱗尾皆金色、故名、

吉湖西路甲湖南。○九派溫泉占二泉。○落葉仰槐儂

不管。○筍厨蔬釜早安便。○

通志、嘉屬溫泉九派、興甯二、吉湖、邑西二十里、甲湖、邑南二十里、是也、

蚊子樹頭實離離。○欲裂未裂團高枝。○野蚊花脚刺
人惡。○實裂爾蚊何處飛。○

李肇國史補、蚊子樹、實糝枇杷、熟則自裂、蚊盡而殼空矣、邑北有蚊樹、驗之不爽、

城南老榕大蔽牛。○蠶攢蟻蠹了無愁。○千年巢鶴忽
飛去。○啞啞鶴鷄啼樹頭。○

城南迎薰門外古榕、大數十抱、

驅符遣籙女巫班。○十丈高臺列炬環。○法鼓金鐃深
巷裏。○萬人爭看跳茅山。○

叶茅山。

俗愚氓信鬼、病者倩巫築臺咒禳、曰茅跳山、

送錢十萬紙錢焚。巫保巫先接到門。怪底剪刀牙尺響。哥哥聲裏竹搖魂。

俗更有倩巫祈禱、謂贖魂者、名曰送錢、巫預截竹一竿、上繫刀尺、使病者祈親持之而搖、曰搖魂竹、若頻呼哥哥、其轉者即魂兮歸來意也、陋俗愚人、可笑如此、

冰上人尋月裏娥。彩輿先導簇笙哥。盧茅定例錢多少。媒雉調完合剪鵝。

邑娶婦、媒氏最重、昔有盧茅二大姓、攔路索新人錢、今無此風、錢歸媒仍曰盧茅錢、婚畢後、媒者友必索飲曰剪鵝尾、

圖畫閒披摺扇開。圍場射獵古漳臺。東南風好招來便。眼看曹瞞笑一回。

邑摺扇多刊畫魏武銅雀臺校射圖、

補編一首

曾子湖邊學士祠。飛泉銘蝕剩荒碑。人間公既無遺墨。我獨千秋訪雁池。

邑南神光山麓、有學士羅公祠、並墨池古寺、寺側飛泉一泓、甚清冽、祝枝山先生、曾石刻墨池銘、今遺失、惟曾子湖飛甘泉墨池二石刻尚存、皆紀學士故蹟也、余按通志及方輿紀勝、俱載雁池在興甯西、邑志云不可考、余謂神光本近西南、邑讀雁如硯音、日久譌硯池爲雁池、是雁池卽墨池無疑、非有他也、曾作雁池攷一篇、存集中、

燈火書聲古佛樓。雞靈峯頂月輪秋。昨宵有客談天象。倚劍橫空看斗牛。

雞靈山、邑東四十里、高聳插天、有古寺、林泉幽雅、羅公神光山讀書、遙聽雞鳴於北、

興甯竹枝雜詠終

勘誤

第一頁下面四行註正闕誤開第十頁下面八行詠正母誤毋

第三頁下面九行註正亟誤丞第十三頁下面三行詠正珞誤塔

第四頁上面一行詠正鵝誤嗎興甯司前街財合號藏書